



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1516926

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

14 հունիսի 2022թ.

ք. Երևան
(կազմման վայրը)

Ակտի հասցեագրեր

«ԱՐՏԱՎԱՋԴ ՊԵՏՐՈՍՅԱՆ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	4	4	1	9	9	5	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արմավիրի մ. գ. Արմավիր, 7փ. 8

(անհատ ձեռնարկատիրոջ հաշվառման հասցեն կամ իրավաբանական անձի գրեկցված վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 20.05.2022թ-ի թիվ 1516926 որոշման համաձայն «Արտավազդ Պետրոսյան» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում, 06.06.2022թ-ին ժամը 12:55-ին, Արմավիրի մ. ք. Արմավիր, Նալբանդյան 3 հասցեի դիմաց կայանված ընկերության վարորդ՝ Վաղինակ Իսկանդարյանի կողմից շահագործվող «Մերսեդես Սպրինտեր» մակնիշի 168 AT 61 հաշվառման համարանիշի բեռնատար ավտոմեքենայով ուսումնասիրության է ենթարկվել: ՕՀՄ-ի ընթացքում պարզվել է, որ նշված ավտոմեքենան բեռնված 11 պարկ (196 կգ) մակարոն՝ Պետրովսկիե Նիվի և 30 հատ (2 արկղ յուրաքանչյուրում 15 հատ, 1լ.) արևածաղկի ձեթ՝ Զլատո, 06.06.2022թ-ին ժամը 12:45-ին դուրս է եկել Արմավիրի մ. ք. Արմավիր, Նալբանդյան 3 հասցեում գործող ընկերությանը պատկանող մանրածախ առևտրի կետից Արմավիրի մ. ք. Արմավիր, Երևանյան 17/3 հասցե տեղափոխելու նպատակով: Նշված տեղափոխման համար Վաղինակ Իսկանդարյանը ներկայացրել է 06.06.2022թ-ին ժամը 12:20:37-ին դուրս գրված Բ5932342513 սերիա-համարի տեղափոխման փաստաթուղթը, որտեղ արտացոլված ապրանքների տեսականին և քանակները համադրելով բեռնախցիկում առկա, փաստացի տեղափոխվող ապրանքների հետ պարզվել է նաև, ընդամենը 32.070 ՀՀ դրամ արժեքով 30 հատ (2 արկղ յուրաքանչյուրում 15 հատ, 1լ.) տարողությամբ ձեթի տեղափոխումը իրականացվել է՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 32.070 ՀՀ դրամ արժողությամբ ապրանքների տեղափոխության համար հարկ վճարողի կողմից 06.06.2022թ-ին ժամը 12:55-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև ընկերության տնօրեն Լուսինե Դավթյանի կողմից 06.06.2022թ-ին տրված գրավոր հայտարարությամբ:

Թիվ 1516926 արձանագրությամբ 07.06.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 14.06.2022թ-ին նշանակված վարչական վարույթի լուսններին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Արտավազդ Պետրոսյան» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում «Արտավազդ Պետրոսյան» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 32.070 ՀՀ դրամ, որի 50 տոկոսը կազմում է 16.035 ՀՀ դրամ, ուստի օրենսդրական պահանջից ելնելով «Արտավազդ Պետրոսյան» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Արտավազդ Պետրոսյան» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



ստորագրությունը

Կ.Տ.

Սրացա ակտի մեկ օրինակը

ընդամենը 3 էջ

տնօրեն Լուսինե Դավթյան

ֆիզիկական անձի անունը, ազգանունը
(անհատ ձեռնարկադիրը դեպքում՝ անհատ
ձեռնարկավորեր նշումով) իրավաքանական անձի գործադիր
մարմնի ղեկավար (գրագրության ընդունման համար
պաշտոնականում անձ՝ հարուկ առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)